

आयो मेलो आज बाबा रो,

दोहा धोरां धरती मायने,
और बाबा रो दरबार,
रंग गुलाल उडे जटे,
भई रामदेवजी रे द्वार ।

आयो मेलो आज बाबा रो,

आयो मेलो आज रे,
रूनीचा नगरी चालनो भाईडा रे,
रूनीचा नगरी चालनो भाईडा रे ओ जी,
जग में मोटो नाम बापजी रो,
जग में मोटो नाम रे,
अब पैदल पैदल चालता पीरा रे ओ,
अब पैदल पैदल चालता पीरा रे ओ जी ॥

मास भादवा माय बापजी,

मास भादवा माय रे,
आ बीज आवे चांदनी धणीया री ओ,
आ बीज आवे चांदनी धणीया री ओ जी,
मेलो लागे जोर पीरा रो,
मेलो लागे जोर रे,
वटे ढोल नगाडा बाजता धणीया रे ओ,
वटे ढोल नगाडा बाजता धणीया रे ओ जी ॥

पैदल पैदल चाल भाईडा,
पैदल पैदल चाल रे,
अब गुण बाबा रा गावसा भाईडा रे,
अब गुण बाबा रा गावसा भाईडा रे ओ जी,
जय बाबा री बोल भाईडा,
जय बाबा री बोल रे,
थारो मनडो शुद्ध होवसी भाई रे,
थारो मनडो शुद्ध होवसी भाईडा रे ओ जी ॥

द्वारिका रा नाथ बापजी,
द्वारिका रा नाथ रे,
ए धोरां धरती आविया अन्नदाता रे,
ए धोरां धरती आविया अन्नदाता रे ओ जी,
अजमल घर अवतार बापजी,
अजमल घर अवतार रे,
ऊंडू काश्मीर आविया अन्नदाता ओ,
ऊंडू काश्मीर आविया अन्नदाता ओ जी ॥

ओ बडा विरमदेव भाईडा,
बडा विरमदेव रे,
ए छोटो कहिजे रामदेव अन्नदाता रे,
ए छोटो कहिजे रामदेव अन्नदाता रे ओ जी,
अरे लाच्छा सुगना बहन बाबा री,
लाच्छा सुगना बहन रे,
ओ रतनो हाजिर रेवतो धणीया रे ओ,
ओ रतनो हाजिर रेवतो धणीया रे ओ जी ॥

अरे अमरकोट रे माय बापजी,

अमरकोट रे माय रे,
आ नेतल कहिजे पांगली भाईडा रे,
आ नेतल कहिजे पांगली भाईडा रे ओ जी,
हथलेवा रे माय बापजी,
हथलेवा रे माय,
नेतल ने पगलीया देवीया अन्नदाता रे,
नेतल ने पगलीया देवीया अन्नदाता रे ओ जी ॥

भगता री अरदास पीरजी,
भगता री अरदास,
थे सुनता वेगा आवजो अन्नदाता रे,
थे सुनता वेगा आवजो अन्नदाता रे ओ जी,
गावे चरना माय बापजी,
गावे चरना माय रे,
भगता री लजीया राखजो रामाजी रे,
भगता री लजीया राखजो रामाजी रे ओ जी ॥

आयो मेलो आज बाबा रो,
आयो मेलो आज रे,
रूनीचा नगरी चालनो भाईडा रे,
रूनीचा नगरी चालनो भाईडा रे ओ जी,
जग में मोटो नाम बापजी रो,
जग में मोटो नाम रे,
अब पैदल पैदल चालता पीरा रे ओ,
अब पैदल पैदल चालता पीरा रे ओ जी ॥

गायक श्याम पालीवाल जी ।
प्रेषक मनीष सीरवी ।
(रायपुर जिला पाली राजस्थान)

9640557818

Source: <https://www.bharattemples.com/aayo-melo-aaj-baba-ro-ramdevji-bhajan/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>